

Si₂ carta le₂'uig₅₄ a₂ca₂jmo₃ San Pablo ne₄
TIMOTEO

*Jmo*₅ Pa₄ si₂ a₂chein₃ ne₄ Timoteo

¹ Jniá₂ Pa₄, líng₅ dsa₂ i₂chen₄ quián₅ Jesucristo, 'éi'₃ quió'₅ Diú₄ quián₂ jniog₄ i₂lió₂, quian'₅₄ Te₁gui'₅₄ Jesucristo i₂'ín₂ dsi₅ jniog₄. ² Jaun₂ jmo₂₃ si₂ la₂ tsíng₂ ne'₅₄ 'ne₂ Timoteo, 'ne₂ guë'₂ dsa₂ ma₂líng'₅ co₂'nió'₄ jan₂ jón₃ quiáng₃ tē₃dsón'₂ ia₁ ca₂rë₃'éng'₂ jág₁ quió'₅ Diú₄. Jaun₂ 'nio₃ jui₁jme₂gu'₅₄ bá₄ Diú₄ 'ne₂. Jui₁jmo₅₄ bá₄ Diú₄ Jmei₂ jniog₄ quian'₅₄ Te₁gui'₅₄ Cristo Jesús quián₂ jniog₄ 'ua₁ ηéi₂ dsí₅ ja₁cong'₂, a₂'ag₃ tei₄ 'au'₂ né₃.

*Toin'*₂ dsa₂ jág₁ a₂tsá₃ tón'₃ jui₅ jág₁ a₂tsá₃ dsau₅

³ Jui₁lia'₂ ca₂juá'₃ jniá₂ né'₃ a₂nei₅₄ jui₅ 'uë₃ Macedonia, a₂jan'₅₄ juig₂ Efeso ia₁jaun₂ juig'₅₄ dsa₂ i₂lín₅₄ a₂tsá₃ jme₃tag₂₃ juá'₅ a₂tsá₃ dsau₅, ⁴ on₃ guë'₂ tón'₃ jui₅ 'e₂ jág₁ a₂lë₁dsia₅ dsa₂, o₃ a₂'ín₅ dsa₂ dsa₂ can'₅₄ i₂jme₁chan₂ ma₂líg'₂, jág₁ a₂tsá₃ líg'₂ jmig₄ dsian₅. Jnia'₅₄ con'₂ dsiog₅ mi'₅₄ a₂tsin₅ dsa₂, 'nió'₄ a₂jme₁jme₃'o₅₄ a₂le₃tei₅₄ jniog₄ ta₁ quió'₅ Diú₄, a₂lë₂ tē₂le₃ quian'₅₄ a₂'én₂ dsa₂.

⁵ Jë₁ma₂le₁jé₃ tē₂dsi₅ jniog₄ guio₅₄, léi₄ bá₄ jniog₄ tē₂dsi₅ 'e₂ a₂dse₃ a₂ca₂tág₂ jniog₄ jmó₁, on₃jua'₅₄ a₂lë₁jmo₂ a₂'éin₂ né₃, jaun₂ gué₄ lé₂ le₃jiá₃ lé₂ tē₂dsi₅ jniog₄ a₂jme₁'nio₃ rin'₅₄ le₂jau₂ le₂jau₂. Ta₁ jaun₂ qui'₅ 'éi'₃ la₂. ⁶ Ia₁ i₂lín₅₄ dsa₂ ma₂i₂lén₂ tē₂le₃ cau₅ ma₂i₂cóin'₅ jui₅ quian'₅₄ jág₁ a₂tsá₃ ta₁ tí₄. ⁷ 'Nio₃ lén₂ tē₂juá'₅, la₁ jnia'₅₄ guioin₅₄ bá₄ tsá₃ ηii'₂ 'e₂ juá'₂ a₂jme₂tiin₂₃ dsa₂, ηag₅₄ rë'₂ 'ei₅ caun₂ dsí₅, nē₂jag₄ bá₄ a₂dsau₅ dsón'₂ a₂jme₂tag₂₃.

⁸ Ma₂ne₄ bá₄ jniog₄ a₂dse₃ bá₄ 'Éi'₃ ně₁jua'₂ ca₂jmo'₂ dsa₂ ta₁ con'₂ dsi₂ten₅₄. ⁹ Ma₂ne₄ jniog₄, 'i₁caun₂ 'éi'₃ tsá₃ ca₂quiog₂ Diú₄ quió'₅ dsa₂ dsen₃. O₄quió'₄ i₂jmo₅ 'lig'₅₄ bá₄ ca₂quiog₂ 'Éi'₃: o₄quió'₄ jui₁lia'₂ dsa₂ i₂tsá₃ nag₃, dsa₂ i₂'no₅ dso₄, dsa₂ i₂tsá₃ jme₂gan₃ Diú₄, i₂tsá₃ jme₂gó'₃ Juá'₅, dsa₂ i₂jme₂dsian₅ chog₅₄-jmei₂, quió'₅ ca₂le₃jín₃ dsa₂ i₂jme₂dsian₅ dsa₂ né₃; ¹⁰ o₄quió'₄ jui₁lia'₂ dsa₂ i₂nió'₅ jág₁ a₂tsá₃ dsi₂ten₅₄ nió'₃, o₄quió'₄ jui₁lia'₂ dsa₂ ŋe'₂ i₂nió'₅ jág₁ 'lig'₅₄ quian'₅₄ dsa₂ ŋe'₂ rin'₅₄, o₄quió'₄ dsa₂ i₂'ang₅ 'in₅ dsa₂, o₄quió'₄ dsa₂ i₂jme₂gan₅ rin'₅₄, o₄quió'₄ dsa₂ i₂co₂jmo₅ jág₁ tē₂jág₁ 'iin₂₃ Diú₄, o₄quió'₄ dsa₂ i₂jmo₅ jui₁'e₂ gué₄ cosa a₂tsá₃ lé₅ con'₂ lé₅ juá'₅ dse₃. ¹¹ Juá'₅ dse₃ la₂, co₂rē₂ bá₄ quin₅ quian'₅₄ jág₁ jlá'₁ a₂tín'₄ dsa₂, a₂ca₂dsia₃ Diú₄ ŋjió₅ O₄gu₃ jniá₂.

ia₁ 'ua₁ dsí₅ Diú₄ jaun₂ cuē₅ Pa₄ ti₁'mag'₄

¹² Cuē₅ jniá₂ ti₁'mag'₄ Te₁gui'₅₄ Jesucristo quián₂ jniog₄, ia₁ qui₂ma₂cuē₃ bí₂ jmo₅ jniá₂ ta₁ la₂ quió'₅ a₂ma₂dsia₃ gu₃, ton'₂ ia₁ jág₂ bá₄ jniá₂ lia'₂ ja₁jín₂ jan₂ dsa₂ i₂rē₂ti'₅₄. ¹³ Ca₂jmo₃ Cristo ca₂le₃jé₃ ně₅ ja₁con₂ jniá₂, o₁jŋia'₅₄ jme₁dsia₅ jniá₂ 'lig'₅₄ jme₁'iin₅ le₂jŋiá₅, qui₂ca₂'éng₃ dsa₂ i₂jme₁quian'₅₄, qui₂ca₂jmai'₄ jniá₂ tsau₂ dsí₃ né₃. La₁ ca₂dsia₃ Te₁gui'₅₄ ŋéi₂ dsí₅ ja₁con₂ jniá₂ ia₁ a₂tsá₃ jme₁guion₄ bá₄ jniá₂ 'e₂ jme₁jmo₂₃ lia'₂ con'₂ tsá₃ jme₁'éng₂. ¹⁴ Jaun₂ Te₁gui'₅₄ quián₂ jniog₄ 'ŋjo₅ lín₃ ca₂jmo₃ 'ua₁ dsí₅ ja₁cong₂, a₂ca₂rē₃'éng₂ le₃quió'₅ Cristo Jesús i₂'nio₃ gué₄ lín₃.

¹⁵ Dsón'₂ dsau₅ bá₄ jág₁ la₂, jaun₂ ca₂le₃jín₃ 'nió'₅ le₃'én₂: Ta₁ jaun₂ guan₃ Cristo Jesús mi₂güíng₃ la₂, a₂qui₃lióin₂ dsa₂ i₂le₁cán'₄ dso₄; jē₄ quió'₅ 'éi₂, jniá₂ líng₅ i₂le₂'uig₅₄ i₂rē₂cán'₄ gué₄ dso₄. ¹⁶ La₁ Diú₄ ca₂dsia₃ ŋéi₂ dsí₅ jniá₂,

ia₁jaun₂ lén₂ jniá₂ i₂jáng'₃ jág₁ dsau₅ 'a₂ lia'₂ dsia₅ Jesu-
cristo ηéi₂ dsí₅ líoin₂ dsa₂ i₂ηí₄ rin₂ dso₄. Le₂jaun₂ bá₄
ma₂guio₃ jniá₂ quian₅₄ ne₄ jui₅ ia₁jaun₂ jág₃ ca₂le₃jín₃ dsa₂
i₂le₃'én₂ tē₂le₃ quió'₅ Jesucristo ia₁jaun₂ le₃chain₂ co₂tan₅₄.
¹⁷ Jaun₂ lē₃, le₃quió'₅ Rag₅₄ i₂chan₂ co₂tan₅₄, i₂tsá₃ líg'₂
jmig₄ jón₂, on₃ guē'₂ jniái₂, i₂jan₂ tan₅₄ Diú₄ i₂ηí'₂ dsí₅:
jui₁jme₂go₃ dsa₂, jui₁jme₂juag'₂ dsa₂ ca₂le₃jé₃ jmig₄ ηi₂
a₂já₅. A₂méi₃.

¹⁸ Jaun₂ 'ne₂ Timoteo, jón₃ quiáng₃, 'éi'₃ la₂ dsia₅ jniá₂
gog'₂, lia'₂ con'₂ lé₅ jág₁ dse₃ a₂ca₂cuē₃ Jme₂dsí₂ ηjió₅
ca₂cué'₃ dsa₂ rin'₅₄ jniog₄ i₂ca₂'ag₃ ca₂'in₃ 'ne₂ le₂jniá₅:
jmo₄ dsen₅₄ 'au'₂ a₂náu'₁ tiá₂ a₂quíng'₄ ne₄ 'nei₂ a₂gu₂dsí₂,
tē₂le₃ quian'₅₄ jág₁ a₂ca₂cuē₃ dsa₂ jaun₂: ¹⁹ a₂chan'₅₄ tiá₂
a₂'éng'₂, a₂tsá₃ 'e₂ 'lig'₅₄ qui₂dsi₂ηi₅ 'au'₂ né₃. I₂lin₅₄
dsa₂, 'uig₅₄ ia₁ a₂ca₂dsia₃ cau₅ a₂nē₅ ca₂i₃'én₂ a₂'éin₂,
nē₂jag₄ bá₄ caun₂ ni₁barco a₂ca₂lē₃ le₁jui_g₁ le₁dsog'₅₄ ne₄
jmi₁ηí'₄. ²⁰ Le₂nē₅ bá₄ ca₂i₃ηí₂ Himeneo quian'₅₄ Alejandro
i₂ma₂ca₂jín'₄ jniá₂ ja₁con₂ i₂sē₃dsen₃ ia₁jaun₂ le₃'en₅₄ dsí₅
a₂tsá₃ ma₃juá'₂ 'lig'₅₄ tē₃'oin'₂ Diú₄.

2

*Cuē*₂₃ jág₁ dsau₅ 'a₂ lia'₂ chi₃lén'₂ dsa₂ Diú₄

¹ Jē₁le₂'uig₅₄, chi₁quian₅₄ jniá₂ jmig₄ a₂mí'₁ 'nia'₂ ne₄
Diú₄, a₂chi₁lein'₅₄ 'nia'₂, a₂cuē'₅₄ 'nia'₂ ti₁'mag'₄ né₃,
o₄quió'₄ ca₂le₃jín₃ dsa₂, ² o₄quió'₄ jui₁lia'₂ rag₅₄, o₄quió'₄
ca₂le₃jín₃ jui₁lia'₂ dsi₂tan₅₄, ia₁jaun₂ bá₄ lé₂ le₃'io₄ jniog₄
'ei₅ tei₄ tsá₃ mi'₅₄ cha₂, ia₁jaun₂ chong₂ jniog₄ con'₂
dsi₂ten₅₄, le₁jé₃ jme₂dsí₂ quián₂ ne₄ ca₂le₃jé₃, le₃ne₄ Diú₄.
³ Ia₁ le₂nē₅ bá₄ dse₃, 'ηio₂ dsí₅ Diú₄ quián₂ jniog₄ i₂lió₂,
⁴ i₂'nio₃ líón₂ ca₂le₃jín₃ dsa₂, ton'₂ 'nio₃ a₂dsi₁lén₂ja₁le₃ηí'₂

dsí₅ jág₁ tí₅. ⁵ Jan₂ bá₄ Diú₄ chan₂, ton₂ jan₂ bá₄ dsa₂ chan₂ i₂ñág₅ jág₁, i₂chén₅ jë₄ quió₅ Diú₄ quian₅₄ dsa₂ mi₂güüg₃. Dsa₂ 'éi₂ lín₅ Cristo Jesús.* ⁶ 'Éi₂ né₃ ca₂jín₂ 'ñiog₅ ca₂quí₃ 'lia₅₄ ia₁jaun₂ líón₂ ca₂le₃jín₃ dsa₂. Jág₁ dsau₅ nē₅ né₃, ca₂rë₃ñi₅ dsa₂ jme₁ca₂té₂ jmig₄ a₂le₃ñi₅. ⁷ Ta₁ jaun₂ ca₂rë₃'ín₁ jniá₂ ia₁jaun₂ léng₂ jan₂ i₂'é₂ jág₁, jan₂ i₂chen₄ quián₅ Jesús né₃, jan₂ të₅ i₂jme₂tín₅ dsi₂nau₂ jui₁lia₂ 'a₂ lia₂ 'lé₅ a₂'én₂ dsa₂, 'a₂ lia₂ 'lé₅ jág₁ tí₅ né₃. Jág₁ dsau₅ bá₄ a₂juá₅, † tsá₃ të₂jíng₁.

⁸ Jaun₂ 'nio₃ jniá₂ a₂chi₃lén₂ dsa₂ Diú₄ ca₂le₂con₂, a₂qui₃chóg₃ gu₂ qui₂le₁jé₃ të₂dsí₅, on₃jua₅₄ a₂'i₄ 'nei₂ dsí₅, on₃ guë₂ a₂qui₂tsin₂₃ quian₅₄ riin₅₄. ⁹ 'Io₅₄ guë₂ né₃ 'nió₅ quí₃ tsín₅₄ con₂ dsi₂ten₅₄, dse₃ jniá₂, li₅₄ quió₅. Jui₁jmoi₅₄ a₂rë₂liin₅₄, on₃jua₅₄ quian₅₄ a₂ñí₄ lë₃ jlá₁ qui₂rë₂lag₄ dsi₅₄, on₃ guë₂ quian₅₄ cu₄nióg₄, on₃ guë₂ quian₅₄ míg₂ perlas a₂tó₅ lag₅₄, on₃ guë₂ quian₅₄ tsín₅₄ 'mu₅₄ né₃; ¹⁰ të₂le₃ quian₅₄ a₂dse₃ a₂qui₂jmo₂₃ bá₄ 'nió₅ jmói₂, jui₁lia₂ ca₂tín₂ jmo₃ dsa₂ mí₂ i₂ma₂jín₂ ja₁con₂ Diú₄. ¹¹ Dse₃ bá₄ tón₃ 'io₅₄ tei₄, nag₃, gue₃ jág₁ quió₅ Diú₄ a₂jme₂tag₅ dsa₂, a₂caun₂ nei₅₄ jë₄ ca₂le₃jé₃. ¹² Tsá₃ cuë₅ jniá₂ jmig₄ jua₅₄ a₂jme₃tag₅ 'io₅₄, on₃ guë₂ jua₅₄ jmo₃ 'éi₃ ja₁con₂ dsa₂ ñe₂. Jñia₅₄ lia₂ 'nió₅ jmo₃ tei₄ bá₄. ¹³ Ia₁ Adán bá₄ i₂le₂'uig₅₄ ca₂jmó₂ Diú₄; cang₂ bá₄ ca₂jmói₂ Eva. ¹⁴ Jaun₂ on₃jua₅₄ Adán i₂ca₂rë₃gán₃; 'io₅₄ bá₄ i₂ca₂rë₃gán₃ jaun₂ ca₂táin₂ dso₄. ¹⁵ La₁ia₁, líón₂ bá₄ 'io₅₄ nē₁jua₂ jme₂cain₅₄ chi₂-guein₂ quián₅, chi₂jua₂ caun₂ 'éin₂ jág₁ quió₅ Diú₄, caun₂ 'nioi₃ riin₅₄, caun₂ chain₂ le₁jé₃ jme₂dsí₂ quió₅, a₂li₅₄ quió₅ né₃.

* 2:5 o₃, “Jesucristo.” † 2:7 A₂lín₅₄ chog₅₄ si₂ juá₂ ján₃; “le₃quió₅ Cristo.”

3

'A₂ lia'₂ ca₂tín₂ jmo₃ jui₁lia'₂ dsa₂ i₂cán₂ ne₄ jui₅ quián₅ guá'₅

¹ Dsón'₂ bá₄ dsau₅ jág₁ la₂: chi₂jua'₂ 'ein₂ 'nia'₂ 'nio₃ cán₂ ne₄ jui₅ njia₃ rin'₅₄,* ta₁ dse₃ bá₄ jaun₂ 'ín₅ dsi₅. ² Jaun₂ lë₃ juá'₅ jniá₂, dsa₂ i₂chén'₅ ne₄ jui₅a tsá₃ 'nió'₅ jua'₅₄ cha₂ ja₁coin₂ a₂lé₂ le₃bóg'₂ dsa₂ dso₄, jua'₅₄ a₂'ag₃ 'lig'₅₄. Ján₃ guë'₂, jan₂ bá₄ 'io₅₄ quián₅ i₂guá₅ quiain'₅₄; 'en₅₄ dsí₅ 'nió'₅ léin₂; li'₅₄ quió'₅, i₂ñi₅ con'₂ dse₃ jniá₂, qui₂guein₃ dsa₂ dsi₂néi₂ quió'₅, qui'₅₄ jmig₄ jme₃tín₂₃ dsa₂. ³ Tsá₃ 'nió'₅ ñi₃ 'ein₅, on₃ guë'₂ qui₃'no₃ mi'₅₄, on₃ guë'₂ 'nió'₅ jmo₃ 'ín₅ dsí₅ jua'₅₄ a₂lë₁'nio₃ lí'₂ cu₄ quió'₅ dsa₂. Të₂le₃ 'nió'₅ ñi₃ caun₂ tei₄ jmo₃ 'ua₁ dsí₅ quian'₅₄ riin'₅₄, tsá₃ 'nió'₅ jmo₃ jua'₅₄ a₂ñí₄ lë₃ 'ín₅ dsí₅ cu₄. ⁴ 'Nió'₅ ñi₅ 'a₂ lia'₂ njiai₃ dsa₂ dsi₂néi₂ quió'₅, 'a₂ lia'₂ co₂jéin'₂ chi'₂ quián₅ ia₁jaun₂ bá₄ jme₂go₃ chi'₂ quián₅ ne₄ ca₂le₃jé₃. ⁵ Ia₁ në₁jua'₂ tsá₃ ñi₅ 'a₂ lia'₂ njiai₃ dsa₂ dsi₂néi₂ quió'₅ né₃, ç'a₂ bá₄ lia'₂ lé₂ le₃jmo₃ 'í₁ guá'₅ quián₅ Diú₄? ⁶ Tsá₃ 'nió'₅ cán₂ ne₄ jui₅ quió'₅ guá'₅ jan₂ i₂të₂ca₂rë₃'én₂. Ia₁ con'₂ tsá₃ ñó₅ në₁jua'₂ 'ñio₅ ca₂jmo₃ róin₂, tiáin'₃ jui₁lia'₂ ca₂tán'₂ i₂së₃dsen₃. ⁷ Ján₃ bá₄ 'nió'₅ 'ei₅ jág₁ dse₃ quió'₅ jin₄ dsa₂ i₂tsá₃ 'én₂, ia₁ con'₂ tsá₃ ñó₅ në₁ca₂táin'₂ jág₁ lia'₂ chain₂, a₂tiáin'₂ tsi₁cág'₅ quió'₅ i₂së₃dsen₃ né₃.

'A₂ lia'₂ 'nió'₅ jmo₃ dsa₂ i₂jme₂'o₅₄ quián₅ guá'₅

⁸ Le₂në₅ bá₄ ján₃, 'nió'₅ jmo₃ dsa₂ i₂jme₂'o₅₄a quián₅ guá'₅, 'nió'₅ lén₂ dsa₂ i₂'en₅₄ dsí₅ ján₃, i₂quian₅ caun₂ jui₅ dse₃. Tsá₃ 'nió'₅ lén₂ dsa₂ i₂lë₁qui₂co₅ jág₁ quió'₅, on₃ guë'₂ 'nió'₅ i₃noi₅₄ 'ein₅, tsá₃ 'nió'₅ jmo₃ 'ín₅ dsí₅ jua'₅₄ a₂lë₁'nio₃ lí'₂ cu₄ quió'₅ dsa₂. ⁹ 'Nió'₅ jmo₃ 'í₁ jág₁ dse₃ a₂rë₂'ma₄

* 3:1 griego: epískopos.

quió'₅ Diú₄ a₂'éin₂ jniog₄, a₂le₁jé₃ tē₂dsí₅. 10 'Nió'₅ con₂ de'₂ dsa₂ 'í₁ quió'₅ ca₂le₃jín₃ con'₂ dsa₂ i₂lén₂ i₂jme₃'o₅₄ nē₁jua'₂ 'a₂ lia'₂ lín₅. Nē₁jua'₂ tsá₃ 'e₂ riin₂, jaun₂ gué₄ dsi₂ten₅₄ lén₂ dsa₂ i₂jme₂'o₅₄₄ quián₅ guá'₅. 11 Jui'lia'₂ dsa₂ mí₂ guē'₂ né₃, ján₃ bá₄ le₂jaun₂ 'nió'₅ li'₅₄ quió'₅, tsá₃ 'nió'₅ a₂lë₁bóg'₂ dso₄. 'Nió'₅ 'en₅₄ dsí₅ lén₂, rē₂ti'₅₄ jē₄ ca₂le₃jé₃ né₃. 12 I₂jme₂'o₅₄ quián₅ guá'₅₄ 'nió'₅ jmo₃ ján₃, jan₂ bá₄ 'io₅₄ quián₅ i₂rē₂jen'₂ gu₂ quián'₅₄. Jaun₂ 'nió'₅ ŋi₅ 'a₂ lia'₂ co₂jén'₂ con'₂ dsi₂ten₅₄ chí'₂ quián₅, quian'₅₄ dsa₂ dsi₂néi₂ quió'₅ né₃. 13 Ia₁ jui'lia'₂ dsa₂ i₂jme₂'o₅₄† i₂rē₂ti'₅₄ dse₃ ta₁ quió'₅ a₂lín₅, lí'₄ a₂'ag₃ dsa₂ dse₃ quió'₅, ton'₂ ján₃ guē'₂ caun₂ gué₄ 'ag₃ dsí₅ a₂dsia₃ 'a₂ lia'₂ 'éin₂ tē₂le₃ quió'₅ Cristo Jesús.

Le₂la₂ lé₅ jág₁ quió'₅ Diú₄ a₂'éin₂ jniog₄

14 'ín₂ dsi₃ jniá₂ nei₅₄ ŋi'₅₄ ta₁ i₁jing₁₂ 'ne₂. La₁ né'₃ a₂dsióg₄, jmo₂₃ si₂ la₂, 15 ia₁jaun₂ nē₁jua'₂ ca₂rē₃'ing₅₄, le₃ŋi'₅₄ bá₄ 'a₂ lia'₂ ca₂tín₂ i₃nio₄ dsa₂ dsi₂néi₂ quió'₅ Diú₄, i₂lín₅ guá'₅ quián₅ Diú₄ jén'₃, co₂'nió'₄ 'uig₅₄ 'ia'₂, 'ma₂dsi₅ né₃, quió'₅ jág₁ tí₅. 16 Dsón'₂ bá₄ juē'₂ juá'₅ a₂'éin₂ jniog₄, a₂jme₁rē₂'ma₄ le₂jñiá₅:

Ca₂guan₃ Diú₄ chi₁dsain₂;

ca₂jme₃jniog₅ Jme₂dsí₂ a₂lín₅ i₂dsen₃;

ca₂jág₂ ángeles;

ca₂rē₃'é₂ jág₁, ca₂'ag₃ dsa₂ jin₄ dsi₂nau₂;

ca₂rē₃'én₂ dsa₂ mi₂güüg₃ jág₁ quió'₅;

ca₂guéi'₂ táng₃ Jmei₂ guei'₅₄ i₂juíg₃ né₃.

4

Dsa₂ i₂dsi₃lén₂ cau₅, qui₃tí₂ jág₁ quió'₅ Diú₄

† 3:13 griego: diákonous.

¹ Lia'₂ tí₅ jág₁ dsón'₂ bá₄ ma₂ca₂juá'₂ Jme₂dsí₂ quián₅ Diú₄ 'a₂ lia'₂ lé₂ jmi_g₄ jë'₁ca₂tó'₂. I₂lin₅₄ dsa₂ dsi₃lén₂ cau₅, tí₂ jág₁ a₂'éin₂ jniog₄, tón'₂ jui₅ jág₁ quió'₅ jme₂dsí₂ i₂jui₁gan₂, jág₁ juá'₅ a₂já₅ quió'₅ je₂na'₅₄ né₃, ² a₂jme₂tag₅ dsa₂ i₂jñia'₅₄ qui₂le₁'ág₄ dse₃ o₁ne₁, i₂co₂jmo₅ jág₁ të₂jág₁, i₂tsá₃ ma₃'e₂ qui₂dsi₂jñi₅ dsí₅ ia₁ ma₂lé₅ dsí₅ në₂jag₄ bá₄ a₂ma₂cáu₂ quian'₅₄ ni₁ñí₁ dséi₂. ³ Jme₃tag₂₃ a₂tsá₃ ma₃jén'₂ dsa₂ gu₂; a₂lin₅₄ má₃ guë'₂ né₃ tsá₃ ma₃cuë₃ jmi_g₄ jua'₅₄ a₂guë'₃ guë'₄ dsa₂, o₁jñia'₅₄ ca₂jmo₃ Diú₄ ca₂le₃jé₃ ne₅₄ cosa ia₁jaun₂ guë'₃ dsa₂ i₂'én₂ i₂cuí'₅ jág₁ dsau₅, a₂cuë₃ ti₁'mag'₄ né₃. ⁴ A₂dse₃ jë₂ bá₄ a₂ca₂jmo₃ Diú₄. Jaun₂ dse₃ bá₄ guéi₁ jniog₄ cuë'₅₄ ti₁'mag'₄ Diú₄, tsá₃ 'nió'₅ jua'₅₄ a₂tsá₃ guéi₁. ⁵ Ia₁ ma₂ron₅ jág₁ quió'₅ Diú₄, juá'₂ a₂le₁jé₃ bá₄ jaun₂. Jme₂jñi₃ bá₄ Diú₄ jme₁cuë'₅ dsa₂ ti₁'mag'₄.

*Dsa*₂ i₂jme₂ti₃ dse₃ ne₄ Jesucristo

⁶ Chi₂jua'₂ jme₂tíng'₁ dsa₂ rin'₅₄ jniog₄ le₂në₅, léng'₂ dsa₂ dsen₃ i₂jme₂ti₃ ta₁ ne₄ Jesucristo. Qui₂rë₂tang'₅₄, rë₂bei'₂ 'au'₂ quian'₅₄ jág₁ quió'₅ Diú₄ a₂'éng'₂, juá'₅ dse₃ a₂chan'₅₄ né₃. ⁷ La₁ tsá₃ lë₁tón'₂ jui₅ jág₁ co₄ a₂lë₁dsia₅ dsa₂ mi₂güüg₃, on₃ guë'₂ tón'₂ jui₅ cuentos a₂le₁dsia₅ guiong'₂ can'₅₄ në₃. Caun₂ jme₁dsau₅ quiáng'₂ të₂le₃ quió'₅ Diú₄. ⁸ Dsón'₂ a₂dse₃ bá₄ jaun₂ jme₂dsau₅ dsa₂ cho₅ dséi₂ ni₁ñi₁₂ jui₁lia'₂ jme₁co₂₃. La₁ 'ñio₅ lin₃ guë'₄ dse₃ jme₃dsau₅ dsa₂ të₂le₃ quió'₅ jme₂dsí₂ quió'₅ a₂'nioi₃ Diú₄. Ia₁ a₂në₅ bá₄ cuë₃ a₂dse₃ quián₂ jniog₄ mi₂güüg₃ caun₂, on₃jua'₅₄ jmá'₃ ne₄ gua'₅₄ 'uë₃ la₂. ⁹ Ca₂le₃jín₃ bá₄ 'nió'₅ le₃'én₂ jág₁ la₂, ia₁ të₃dsón'₂ bá₄ dsau₅. ¹⁰ A₂jaun₂ bá₄ lë₃ dsen₅₄ dsi₅ jmo₂ jniog₄ ta₁, qui₂jñáú'₂ dsa₂ jág₁ uig₅, ia₁ ma₂ca₂'éi₁ jniog₄ caun₂ dsi₅ të₂le₃ quió'₅ Diú₄ jén'₃ të₃dsón'₂ i₂lín₅ i₂lió₂

quián₅ ca₂le₃jín₃ dsa₂, la₁ të₂le₃ dsen₅₄ gué₄ quián₅ dsa₂ i₂'én₂.

¹¹ Jág₁ në₅ ca₂tíng'₂ juig'₅₄ dsa₂, jme₁tiin'₂ né₃. ¹² Tsá₃ lë₁cuín₅ jmig₄ jua'₅₄ a₂tsá₃ jme₃go₃ dsa₂ ia₁ a₂meg'₂. Të₂le₃ 'ñio₅ lin₃ gué₄ ca₂tíng'₂ cán'₁ ne₄ jui₅ a₂jmó'₂ a₂dse₃ ia₁jaun₂ jág₃ ca₂le₃jín₃ dsa₂ i₂'én₂: jui₁lia'₂ 'a₂ lia'₂ lé₅ jág₁ quiáng'₂, jme₁dsia'₂ jág₁, jui₁lia'₂ 'a₂ lia'₂ chang'₂ ñi'₂, jui₁lia'₂ 'a₂ lia'₂ 'nió'₃ 'ne₂ dsa₂ ríng'₂, jui₁lia'₂ 'a₂ lia'₂ 'éng'₂, jui₁lia'₂ 'a₂ lia'₂ chang'₂ a₂le₁jé₃ të₂'au'₂ né₃. ¹³ Të₁lia'₂ tsá₃ ma₂dsióg₃ jniá₂, 'í₁ Si₂ quió'₅ Diú₄ jin₄ dsa₂; tiain'₂ jág₁ dse₃ jme₁tiin₅ né₃. ¹⁴ Tsá₃ jui₁dsi₂'én₂ 'au'₂ a₂ma₂cué₃ Diú₄ a₂ma₂tíng'₂ a₂ca₂ñig'₂ të₂le₃ quian'₅₄ dsa₂ can'₅₄ rin'₅₄ jniog₄ i₂ca₂quiog₂ gu₂ ne₄ quiáng'₂.

¹⁵ Dsen₅₄ 'au'₂ jmo₄ jme₁dsau₅ quiáng'₂ ca₂le₃jé₃ a₂në₅, ia₁jaun₂ le₃lí₄ dsa₂ a₂ma₂dsi₂jñiág'₄ a₂tíng'₂. ¹⁶ Jmo₄ 'í₁ 'ñiag'₂, ján₃ guë'₂ le₂jaun₂ quian'₅₄ juá'₅ a₂jme₂tíng'₁ dsa₂. Caun₂ jmo₄ bá₄ a₂në₅. Në₁jua'₂ ca₂jme₁ti'₄ ca₂le₃jé₃ a₂në₅, long'₅₄ 'ñiag'₂, ján₃ guë'₂ long'₅₄ ca₂le₃jín₃ i₂nag₅ jág₁ quiáng'₂.

5

'A₂ lia'₂ 'nió'₅ jmo₃ jin₄ dsa₂ 'én₂ riin'₅₄

¹ Tsá₃ lë₁të₂jén₅ jui₁lia'₂ dsa₂ ma₂guen'₂. Të₂le₃ 'nió'₅ tiain'₂ jág₁, jmo₄ bá₄ 'au'₂ co₂'nió'₄ ñéi'₅. Ján₃ guë'₂ le₂jaun₂ dsa₂ ñe'₂ chi'₂, jmo₄ 'au'₂ jñin₅₄ lia'₂ ja₁jíng'₅₄ ríng'₂. ² Ján₃ guë'₂ le₂jaun₂ jui₁lia'₂ dsa₂ mí₂ ma₂guen'₂ né₃, jme₁'niói₄ jui₁lia'₂ 'nióg'₃ chog'₂. Le₂jaun₂ guë'₂ jui₁lia'₂ 'io₅₄ chi'₂, jñin₅₄ jme₁'niói₄ jui₁lia'₂ ja₁'nióg'₃ 'io₅₄ ríng'₂ ján₃, a₂le₁jé₃ 'au'₂ co₂ñei'₅₄.

³ Jui₁lia'₂ 'io₅₄ 'nág₂ guë'₂ né₃, jme₁'oin₅₄ në₁jua'₂ léi₄ a₂'nió'₅ dsón'₂ quió'₅. ⁴ La₁ në₁jua'₂ jan₂ dsa₂ mí₂ 'nág₂ chan₂ chi'₂ quiáin₅ o₃ chi'₂ dsio₅₄ 'e₂, i₂'éi₂ bá₄ le₂'uig₅₄ ca₂tín₂ jme₃tin₅ dsí₅ nio₃ ne₅₄ chog₅₄, a₂jéin'₅ dsí₅ jme₃'nioi₃ chog₅₄ ia₁ ma₂ca₂jme₃cau'₅₄. Ia₁ le₂në₅ bá₄ dse₃, 'ñio₂ dsí₅ Diú₄. ⁵ 'Io₅₄ 'nág₂ i₂të₃dsón'₂ tsá₃ 'ein₂ chan₂ quián₅, caun₂ a₂jaun₂ bá₄ chain₂ 'ín₂ dsí₅ le₃quió'₅ Diú₄ bá₄, chi₂lén'₂ Diú₄ 'uë₂-jmi₂ mi₂₃ 'e₂ 'nió'₅ quió'₅. ⁶ La₁ në₁jua'₂ 'io₅₄ 'nág₂ i₂lë₁ñi₅ cué'₅ o₂'ñio₃ o₂ñia₃ dsi₅ 'ñiog₅ né₃, co₂'nió'₄ 'lag₄ bá₄ 'éi₂ chan₂. ⁷ Jaun₂ ca₂le₃jé₃ a₂në₅ chei'₅₄ dsa₂ jaun₂ tsá₃ 'e₂ cha₂ jua'₅₄ a₂cuin₃ jmi₃g₄ 'ag₃ dsa₂ 'lig'₅₄. ⁸ Në₁jua'₂ chan₂ i₂tsá₃ jui₅ tón'₂ 'e₂ ta₁ chain₂ quiain'₅₄ i₂chan₂ quiáin₅, la₁ 'ñio₅ lin₃ gué₄ në₁jua'₂ tsá₃ tóin'₂ jui₅ i₂chan₂ dsi₂néi₂ quió'₅ 'ñiog₅ né₃, ma₂dsia₃ cau₅ a₂'éin₂; i₂le₂'éi₂ lín₅ tson₂ gué₄ lia'₂ dsa₂ i₂tsá₃ 'én₂.

⁹ 'Nió'₅ tē₃ton₅₄ ne₄ si₂ jmá'₃ 'io₅₄ 'nág₂ i₂ma₂tion'₅₄ lé₅ gué₄ ma₃'nag'₂ ne₂guió₂g₂ ñi₂, i₂ma₂ñia₃ jan₂ bá₄ dsi₂i₂gu₂. ¹⁰ 'Nió'₄ dsa₂ i₂ma₂cuin₅ dsa₂ dse₃, a₂dsón'₂ bá₄ dsein₃, dse₃ bá₄ ta₁ jë₁ma₂já₅, jui₁lia'₂ chi₂jua'₂ ma₂ca₂jme₃cain'₅₄ chi'₂-guein₂ quiáin₅, chi₂jua'₂ ma₂qui₂ma₂cuë₃ bá₄ 'ñio₂ dsí₅ dsi₂néi₂ quió'₅ ma₂qui₂ma₂ñia₃ dsa₂, chi₂jua'₂ ma₂ca₂jme₃ti₃ bá₄ ta₁ 'ñio₂ dsí₅ ne₄ dsa₂ rin'₅₄ jniog₄ i₂'én₂, * tsá₃ jmo₂₃ dsí₅ jua'₅₄ quein₅ gué₄ con'₂ gué₄ riin'₅₄, chi₂jua'₂ ma₂ca₂jme₃'oin₅₄ bá₄ i₂chan₂ o₂i₁ dsi₅, chi₂jua'₂ ma₂jmo₃ ca₂le₃jé₃ ne₅₄ a₂dse₃ né₃. ¹¹ La₁ tsá₃ tē₃ton'₅₄ ne₄ si₂ 'io₅₄ 'nág₂ i₂tion'₅₄ me'₂ gué₄ ñi₂, ia₁ jë₁ma₂ca₂lë₃ dsí₅ 'ñio₅ lin₃ gué₄ tón'₂ jui₅ a₂mi₅ dsí₅ con'₂ gué₄ a₂jme₃ti₃ ta₁ a₂tíoin₂ ne₄ Cristo, gu₂ bá₄ tiá₂ 'nio₃ jéin'₃ táng₃. ¹² Le₂në₅ bá₄ rë₂cáin'₄ ia₁ tsá₃ ca₂rë₃ti'₅₄ jág₁ quió'₅ a₂ma₂cuë₃.

* 5:10 lit. "chi₂jua'₂ ma₂qui₂ma₂rang₃ mi₂tag₄ dsa₂ jñiós."

13 Ján₃ guè'₂ con'₂ tsá₃ ηó₅ ně₁jua'₂ ca₂rě₃tín₃ dsí₅ jnia'₅₄ i₂nioi₅₄ tē₂juin₂ tsi₁jiin₁₂. Ján₃ guè'₂ le₂jaun₂, on₃jua'₅₄ rē'₂ jnia'₅₄ tiin₂ i₂nioi₅₄ tsi₁jiin₁₂, dsi₂léin₂ le₂'í₁ 'né₅ ton'₂ qui₂i₂quian₅₄ jág₁ a₂la₂ a₂ó₃, qui₂tiáin₂ ja₁tsá₃ ca₂tiin₂.
 14 Jaun₂ lē₃ 'nio₃ jniá₂ co₂ηei'₅₄ jén'₂ táng₃ gu₂ jui₁lia'₂ 'io₅₄ 'nág₂ chi'₂, jui₁le₂chan₂ chi'₂-guein₂ quiáin₅, jui₁lein₅₄ bá₄ dsa₂ i₂nio₅ gu₂ dsi₂néi₂. Jaun₂ tsá₃ cuin₃ jmig₄ jmo₃ i₂sě₃dse₃ lē₂ dsí₅ dsa₂ 'ag₃ 'lig'₅₄. 15 Ia₁ i₂lin₅₄ ma₂i₂léin₂ cau₅, 'ein₂₃ Satanás.

16 Chi₂jua'₂ chan₂ rin'₅₄ jniog₄ dsa₂ ηe'₂, o₃ dsa₂ mí₂ 'e₂, † chi₂jua'₂ chan₂ dsa₂ 'nág₂ quió'₅, ne₄ 'éi₂ nio₃ 'e₂ 'nió'₅ quió'₅ dsa₂ 'nág₂, ia₁jaun₂ tsá₃ ηí₄ lē₃ guei₂ cán₂ guá'₅, ia₁jaun₂ bá₄ cuin₃ jmig₄ lē₂ le₃jme₃'o₅₄ guá'₅ jmá'₃ quió'₅ 'io₅₄ 'nág₂ i₂'nió'₅ dsón'₂ quió'₅.

17 Dsa₂ can'₅₄ i₂jmo₅ 'éi'₃ dse₃ guá'₅, tin₃ ráun₂ lē₅ gué₄ 'nió'₅ jme₃go₃ dsa₂, jág₂ dsa₂ dse₃. La₁ 'ηio₅ lin₃ gué₄ ca₂tín₂ dsa₂ jiin₂ dse₃ jme₃'nioi₃ i₂jmo₅ ta₁ i₂cuē₅ jág₁ jme₂tag₂₃. 18 Ia₁ ne₄ Si₂ quió'₅ Diú₄ juá'₂: “Tsá₃ lē₁tó'₂ 'nei₅₄ mi₂'o₄ ca₁jui₅ i₂jmo₅ ta₁ qui₂tsó'₅ i₂'uig₂ mīg₂ trigo.” † Ján₃ guè'₂ le₂jaun₂ juá'₂ Si₂: “Ca₂tín₂ bá₄ dsa₂ i₂jmo₅ ta₁ gue₃ 'liain'₅₄.” §

19 Tsá₃ lē₁tón'₂ jui₅ ně₁jua'₂ chan₂ 'ein₂ dsia₅ dso₄ 'nii₂₃ jan₂ gui'₅₄ can'₅₄ ně₁jua'₂ tsá₃ tión₂ on₃-ún₂ dsa₂ i₂jáng'₃ jág₁ dsau₅. * 20 La₁ jui₁lia'₂ dsa₂ i₂caun₂ 'no₅ dso₄, tē₂jéin₃ tē₃jé₄ ja₁le₁ηi'₂ 'nia'₂ ca₂le₃jíng'₃, ia₁jaun₂ tē₃ ne₄ ca₂le₃jín₃ jaun₂ le₃gó'₃ ján₃. 21 O₄quió'₄ Diú₄, quian'₅₄ Te₁gui'₅₄ Jesu-cristo, quian'₅₄ ca₂le₃jín₃ ángeles i₂ma₂quióin'₂, cuē₅ jniá₂ 'éi'₃ la₂ ia₁jaun₂ jme₁ti'₄ 'ne₂: Tsá₃ jmó'₂ jua'₅₄ a₂jíng'₅₄

† 5:16 A₂lin₅₄ chog₅₄ si₂: “Chi₂jua'₂ chan₂ dsa₂ mí₂ rin'₅₄ jniog₄.” ‡ 5:18 Deuteronomio 25:4. § 5:18 Lucas 10:7. * 5:19 'Nio'₂ ja₁ton₅ Números 35:30, Deuteronomio 17:6.

jma₃quén₅ r'íng'₂ a₂jmó'₂ i₂lín₅₄ tē₁jéng'₄, i₂lín₅₄ guē'₂ tsá₃ tē₁jéng'₄. Co₂rē₂ bá₄ tē₁jéng'₄ con'₂ i₂ca₂tín₂ dsí₃jen₅₄.
²² Tsá₃ caun₂ lē₁ín₅† de'₂ tē₂le₃ dséi₂ dsa₂ i₂jio₃ cán₂ ne₄ jui₅ guá'₅, con'₂ tsá₃ ŋó₅ nē₁jua'₂ le₃jio₄ 'ne₂ ca₂rē₃cáng'₂ dsáu₁ i₂sián'₂. Jmo₄ 'í₁ a₂chang'₂ le₁jé₃ tē₂'au'₂.

²³ Ia₁ a₂rē₂dsong'₅₄ i₂gú'₃ ton₅ dso₄ tog'₂, tsá₃ ma₃'nió'₅ 'ag'₅₄ jmá'₃ jmig₂; 'én'₂ ca₂la₂ vino ján₃.

²⁴ Dso₄ a₂'no₅ dsa₂ i₂lín₅₄ a₂léi₄, jniá₂ dse₃ bá₄ né'₃ a₂dsi₁lein₃ ja₁jáng'₃ cuenta quió'₅. Quió'₅ i₂lín₅₄ guē'₂ tsá₃ léi₄ dsí₂jui₅. Cang₂ bá₄ rē₂léi₄. ²⁵ Ján₃ guē'₂ le₂jaun₂, chi₂jua'₂ 'e₂ dse₃ jmo₅ dsa₂, rē₂léi₄, jniá₂ bá₄. O₁ŋja'₅₄ tsá₃ qui₂rē₂jniá₂ dsí₂jui₅, tion₅₄ bá₄ rē₂jniá₂ jui₁la₂ 'ióg₃.

6

¹ Dsa₂ i₂jme₂ti₃ ta₁ ne₄ juig'₅₄ 'nió'₅ jme₃gain₃ juig'₅₄ ia₁jaun₂ tsá₃ chi₂'ag₃ dsa₂ 'lig'₅₄ 'in₃ Diú₄, on₃ guē'₂ 'e₃ dsa₂ 'lig'₅₄ 'e₂ jme₂tín₁ jniog₄ dsa₂. ² Chi₂jua'₂ chan₂ juig'₅₄ i₂'én₂ né₃, tsá₃ jua'₅₄ jaun₂ 'nió'₅ jme₃go₃ dsa₂ me'₂ gué₄ ia₁ lín₅ dsa₂ 'én₂ riin'₅₄. Co₂rē₂ bá₄ 'nió'₅ jme₃gan₃ dsa₂ riin'₅₄ con'₂ riin'₅₄ i₂'én₂ tē₂le₃ quió'₅ Cristo. Tē₂le₃ 'nió'₅ jme₃ti₃ gué₄ dsa₂ dse₃ ta₁ ne₁₂, ia₁ a₂lín₅ dsa₂ 'én₂ rin'₅₄ i₂'nió₄. Le₂nē₅ jme₁tin₅ dsa₂, tiön'₂ jág₁ né₃.

'Ag₅ dsa₂ dse₃ dsí₅ jmo₂₃ 'io'₂ quian'₅₄ juá'₅

³ Chi₂jua'₂ chan₂ i₂jme₂tag₅ le₂siá'₂, ton'₂ tsá₃ dsáu₅ dsí₅ jág₁ dse₃ quió'₅ Te₁gui'₅₄ Jesucristo, on₃ gué₄ juá'₅ quió'₅ Diú₄ né₃, ⁴ a₂ŋja'₅₄ con'₂ jme₂rón₂ 'ŋiog₅ bá₄ dsa₂ 'éi₂, 'i₁ca₂juig'₄ tsá₃ 'e₂ ŋí'₂ dsí₅. Nē₂jag₄ bá₄ i₂dso'₅₄ bá₄ i₂le₂'éi₂, ia₁ a₂ŋja'₅₄ 'nio₃ dsia₃ mi'₅₄ quian'₅₄ jág₁. 'Uig'₅₄ jaun₂ ja₂ uig'₅ dsí₅ dsa₂, qui₂tsin₅ dsa₂, qui₂jná'₂ dsa₂ jág₁

† 5:22 lit. "Tsá₃ caun₂ dsíá'₁ gog'₂ de'₂ tē₂le₃ dséi₂."

uig₅ riin'₅₄, tsá₃ 'e₂ dse₃ jín₂ dsa₂ riin'₅₄ né₃. ⁵ Lé₅ bá₄ caun₂ njia'₅₄ niog₅ mi'₅₄ tsá₃ dsian₅ lé₅ jin₄ dsa₂ i₂tsá₃ dse₃ qui₂dsi₂jio₅ dsí₅. Tsá₃ ma₃'e₂ jág₁ dsau₅ cuí'₅; lín₂ quian'₅₄ juá'₅ a₂jme₂tag₂₃, a₂tě₃dsi₅₄ quió'₅. [Co₂dsia₅ jniag'₃ cau₅, tsá₃ lě₁'ú₅ quian'₅₄ dsa₂ i₂le₂'éi₂.]* ⁶ Dsau₅ bá₄ jaun₂ a₂quen₅ juá'₅, la₁ia₁ a₂tě₃dsi₅₄ gué₄ lín₃ le₃quió'₅ dsa₂ i₂le₁'ág₄ tei₄ dsí₅, i₂chan₂ ma₂dsáu₅ dsí₅ 'e₂ cha₂ quió'₅. ⁷ Ia₁ 'i₁caun₂ tsá₃ 'e₂ le₁quian₁ jniog₄ ca₂o₃náu₅ mi₂güí₃ la₂, on₃ gué'₂ cha₂ jua'₅₄ a₂lé₂ le₃quiong₅₄ 'i₁caun₂ táng₃. ⁸ Ia₁ nē₁jua'₂ cha₂ bá₄ a₂que₅₄, cha₂ bá₄ tsin'₅₄ jniog₄ né₃, co₂jaun₂ bá₄ gué'₂ njia'₅₄ 'nió'₅ le₃'éi₁ jniog₄ tei₄ dsí₅ jmó₁ 'io'₂. ⁹ La₁ jui₁lia'₂ dsa₂ i₂'ín₅ dsí₅ le₃cha₂ cu₄ né₃, tsi₂séin'₂ dso₄, tsi₂séin'₂ 'ñi₃ó'₃ tsi₁cág'₅ quió'₅ i₂sě₃dse₃, ne₄ ca₂le₃jé₃ a₂'ín₅ dsí₅ a₂tsá₃ ta₁ tí₄, a₂jmóg'₂ dain₅₄, a₂dsi₂'éin₂ né₃. ¹⁰ Ia₁ a₂ñí₄ lě₃ 'ín₅ dsí₅ dsa₂ le₃cha₂ cu₄, 'uig₅₄ jaun₂ lé₂ le₃jio₃ ca₂le₃jé₃ ne₅₄ jui₅ 'lig'₅₄. Chan₂ i₂lín₅₄ ia₁ a₂'ín₅ dsí₅ a₂jaun₂, ma₂i₂léin₂ cau₅ jui₅ a₂jme₁'éin₂; a₂'uün₅₄ guioin₅₄ ma₂chain₂ jmi₁uig₅ 'ñio₅ lín₃.

Dsa₂ i₂quín'₅ bí₂ ia₁ 'éin₂

¹¹ La₁ 'ne₂, dsa₂ quián₅ Diú₄, co₂dsia₅ cuin'₅₄ ca₂le₃jé₃ a₂ně₅. Co₂dsia₅ ñi₄ bá₄ quian₂ caun₂ jui₅ co₂dsau₅, jme₁dsau₅ quiáng'₂ tē₂le₃ quió'₅ Diú₄, caun₂ 'én₂ bá₄, chan'₂ tiá₂ jág₁, caun₂ jme₁'nió₄ ríng'₂, jme₁jui₁'au'₂, jmo₄ meg'₂ né₃. ¹² Quen'₂ bí₂ dse₃ o₄quió'₄ jág₁ a₂'éin₂ jniog₄, jui₁lia'₂ jan₂ 'lióg₂ quín'₅ bí₂ ne₄ 'nei₂. Tio'₂ gog'₂ ja₁le₃chan₂ co₂tan₅₄ jme₂dsí₂ quiáng'₂, ia₁ ta₁ jaun₂ ca₂tě₃ Diú₄. Ia₁ dse₃ bá₄ ma₂ñe'₃ jmo'₂ jin₄ dsa₂, a₂cué'₂ léi₄ a₂'éng'₂. ¹³ Ně₃ né₃, jág₅ bá₄ Diú₄ i₂jmo₅ jén'₃ ca₂le₃jín₃, jág₅

* ^{6:5} A₂lín₅₄ chog₅₄ si₂ tsá₃ le₁ton₅ jág₁ ně₅.

bá₄ Jesucristo né₃ i₂ca₂jáng'₃ dse₃ jág₁ dsau₅ ne₄ Poncio Pilato, juíg₂ jniá₂ 'ne₂ ¹⁴ a₂jme₁ti'₄ 'éi'₃ në₅ tsá₃ qui₂rë₂'ióg₄ ia₁jaun₂ tsá₃ cuin₅ jmig₄ jua'₅₄ tēj₁₂ dsa₂ ca₂lia'₂ ca₂té₂ jmig₄ i₁guan'₂ Te₁gui'₅₄ Jesucristo quián₂. ¹⁵ Jë₁ma₂ca₂té₂ jmig₄ jaun₂, ia₁ njia'₅₄ lia'₂ 'njog₅ bá₄ Te₁gui'₅₄ Diú₄ jmo₃. 'njog₅ bá₄ lín₅ i₂jnió₅ i₂'uan'₂, i₂lín₅ Rag₅₄ quián₅ rag₅₄, Te₁gui'₅₄ quián₅ ca₂le₃jín₃ juig₅₄ can'₅₄ i₂chan₂ ne₄ gua'₅₄ 'uë₃ la₂. ¹⁶ Njia'₅₄ lia'₂ jan₂ 'éi₂ bá₄ i₂chan₂ i₂ca₂lia'₂ o₁líg'₂ jmig₄ tsá₃ jón₂, i₂chan₂ i₂guá₅ ja₁jniá₂ si₂ ja₁ca₂lia'₂ i₁jan₂ tsá₃ 'ein₂ qui'₅₄ jmig₄ jme₃quián₃, i₂tsá₃ 'ein₂ dsa₂ mi₂güüg₃ ma₂jág₂, on₃ guë'₂ qui'₅₄ jmig₄ jág₂. ¡Ca₂tín₂ bá₄ Diú₄ ca₂le₃jé₃ bí₂! ¡Quió'₅ 'éi₂ bá₄ jme₃juag'₂ dsa₂ co₂tan₅₄! ¡A₂méi₃! ¹⁷ Jui₁lia'₂ i₂cha₂ cu₄ mi₂güüg₃ la₂, chei'₅₄ tsá₃ lë₁jui₁jmo₁₂ róin₂, on₃ guë'₂ jui₁jmo₅₄ 'ín₂ dsí₅ le₃quió'₅ cu₄, ia₁ a₂lë₁lë₂ dsi₃'én₂ bá₄ cu₄. Co₂dsia₅ guë₄ jmo₅ jui₁jmo₁₂ 'ín₂ dsí₅ tē₂le₃ quió'₅ Diú₄ jén'₃ i₂jén'₅ ca₂le₃jé₃ lia'₂ qui₂rë₂tsón₂ ia₁jaun₂ jmó₁ 'io'₂ le₃chong₂. ¹⁸ Chei'₅₄ jui₁jmo₁₂ a₂dse₃ 'njio₅ lin₃, jui₁jmo₁₂ 'njio₂ dsí₅ jui₁jme₂'oin₅₄ riin'₅₄ quian'₅₄ 'e₂ a₂cha₂ ca₂la₂ quió'₅. ¹⁹ Jaun₂ le₂në₅ qui₂dsi₃tsón₃ 'uig₅₄ ja₁náu₃ tiá₂ tē₂le₃ ne₄ jui₅ ja₁ñó₄, tó'₃ gu₂ ja₁le₃chain₂ dsón'₂.

Jág₁ a₂ca₂tsí'₃ guë₄ Timoteo jë₁ca₂tó'₂

²⁰ 'Ne₂ Timoteo, dse₃ jmo₄ 'í₁ a₂ma₂niog₅ ne'₅₄. Tsá₃ lë₁tón'₂ jui₅ jág₁ a₂tsá₃ ta₁ tí₄ a₂niog₅ dsia₅ dsa₂ mi₂güüg₃ i₂tsá₃ 'én₂. Nj₂ dse₃, tsá₃ tón'₂ jui₅ jág₁ quió'₅ dsa₂ i₂nj₄ lë₃ 'njio₅ nj₅ jmo₅, ia₁ on₃jua'₅₄ dsau₅ dsón'₂ tin₂ dsa₂ 'éi₂, ia₁ tsá₃ jme₂tag₂₃ lia'₂ con'₂ lé₅ juá'₅ dse₃ dsón'₂. ²¹ Ia₁ i₂lin₅₄ dsa₂ i₂ca₂rë₃'én₂ jág₁ quió'₅ dsa₂ le₂'éi₂ ma₂i₂cóin'₅ bá₄ táng₃ jui₅ quió'₅ Diú₄ a₂jme₁'éin₂.

PRIMERA TIMOTEO 6:21 14 PRIMERA TIMOTEO 6:21

Jui₁jme₂gu'₅₄ bá₄ Diú₄ quiáng'₂.
Co₂ně₅.

Jag₁ 'mí₂ a₂ma₂li' ₅₄ quian' ₅₄ Diu₄
 New Testament in Chinantec, Tepetotutla (MX:cnt:Chinantec,
 Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

© 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 14 Jun 2022 from source files dated 30 Nov 2021

5c52af9e-3086-5d57-9b7e-2e495fea8899